



INFORMAZIONI UTILIS

I ESAMS STRUMENTÂI

CHESTE SCHEDE E FURNÏS INFORMAZIONI SU CEMÛT PREPARÂSI A UN ESAM STRUMENTÂL.

CE ISAL UN ESAM STRUMENTÂL?

Par exam strumentâl si intint une investigazion che si fâs cuntun strument che al permet di studiâ lis struturis dal nestri cuarp.

L'esam al è definît invasîf cuant che il strument al jentre intal cuarp tant che cu la Endoscopie, e no invasîf cuant che il strument lu explore dal esterni tant che al sucêt inte Tomografie Computerizade (TAC) e inte Risonance Magnetiche (RMN).

CHE SI ACIERTI DI VÊ VUDIS DUTIS LIS INFORMAZIONI SUL MOTÎF CHE L'ESAM I È STÂT PRESCRIT:

- par sclarî i disturps;
- par tratâ une malatie;
- par un screening.

AL À DI VÊ CUSSIENCE DAL GJENAR DI ESAM CHE AL FASARÀ:

- dal gjenar di strument o aparât che al vignarà doprât;
- dal fat che al sedi invasîf o no invasîf;
- se l'esam al previôt sedazion o anestesie;
- se al è informât su lis alternativis al exam proponût.

CHE AL VERIFICHI SE AL À DUTIS LIS INFORMAZIONI CHE I COVENTIN PAR ORGANIZÂSI PRIME DE ESECUZION DAL ESAM:

- al cognòs il gjenar di exam (invasîf o no invasîf);
- i è stât sclarît cemût che si fâs;
- se e covente une preparazion; se si cuant scomençâle e cemût fâle;
- al sa cuant che al à di fâlu;
- al sa dulà che si fâs.

CHE AL ACIERTI IN PARTICOLÂR I ASPIETS CHE A PUE DIN FACILITÀ LA PUNTUALITÂT TAL RIVÂ LI DE SEDE DI ESECUZION DAL ESAM:

- la dì e la ore dal apontament contignûts intal pro memorie;
- la sede dulà che si fâs;
- la strade par rivâ in chê sede;
- se al à bisugn di jessi acompagnât.



CHE AL ESPONI AL SPECIALIST CHE AL FASARÀ L'ESAM LA SÔ STORIE CLINICHE, PAR VIE CHE ALC CHE AL È SUCEDÛT IN PASSÂT O UNE SITUAZION PRESINTE A PODARESSIN INFLUÛ SU LA INVESTIGAZION:

- cualis modificazions che a son intervignudis;
- se al à vût problemis inte preparazion al esam;
- se si cjate in stât gravidance;
- se e je daûr a dâ di lat;
- se al à alergjiis;
- se al è daûr a assumi une terapie anticoagulante.

CHE AL LEI LIS INFORMAZIONI AL CONSENS CHE I SON STADIS FURNIDIS PAI ESAMS CHE LU PREVIODIN E, SE AL COVENTE, CHE AL DOMANDI SCLARIMENTS:

- sui beneficis spietâts e su lis pussibilitâts di sucès;
- sui pericui e su lis eventuâls complicazions.

CHE SI VISI DI PUARTÂ CUN SE:

- la liste des medisinis che al cjol;
- il document di identitât, la tessare sanitarie, la ricete/impegnative dal miedi, la ricevude di paiament;
- i referts di esams precedents;
- i referts di esams di laboratori (se domandâts inte preparazion);
- il consens firmât (cuant che al è previodût).

CHE AL DOMANDI SIMPRI CHE I SCLARISSIN CE CHE NOL SA E CHE LU PREOCUPE DAL ESAM:

- se al fâs mâl;
- ce che al sintarà;
- trop che al durarà;
- se al sarà doprât un aparât sierât;
- se al varà di stâ imobil.

CHE AL CJAPI NOTE CULÌ SOT, PAR NO DISMENTEÂSI, DES DOMANDIS CHE AL STIME IMPUARTANTIS DI FÂ:

Dicembar 2015

Par cure dal grup referents aziendai "Handbook i esams strumentai".

I autôrs a declarin che lis informazions contignudis in cheste informative no àn sponsorizacions o conflits di interes.
Lis informazions contignudis no cjapin il puest dal rapuart miedi/infermîr e pazient.

Lis denominazions riferidis a personis, ripuartadis dome inte forme masculine, si riferissin in maniere indistinte a personis di gjenar masculin e feminin.